

I helpu'r Pwyllgor Iechyd a Gofal Cymdeithasol ystyried y Bil Rheoleiddio ar Arolygu Gofal Cymdeithasol (Cymru), byddai'r Pwyllgor yn croesawu'ch sylwadau ar unrhyw un o'r cwestiynau a ganlyn.

Cyffredinol

1. A ydych yn credu y bydd y Bil, fel y'i drafftwyd, yn cyflawni'r **nodau** (sicrhau llesiant dinasyddion a gwella ansawdd gofal a chymorth yng Nghymru) sydd i'w gweld yn adran 3 (paragraff 3.15) o'r Memorandwm Esboniadol? A oes angen deddfwriaeth i gyflawni'r nodau hyn?
2. A oes unrhyw **rwystrau** posibl a allai ei gwneud yn anodd rhoi darpariaethau'r Bil ar waith ac, os felly, beth ydynt ac a yw'r Bil yn eu hystyried yn ddigonol?
3. A ydych yn credu bod unrhyw broblemau'n ymwneud â **chydraddoldeb** yn y darpariaethau presennol yn y Bil ar gyfer amddiffyn grwpiau gwahanol sy'n defnyddio gwasanaethau?
4. A ydych yn credu bod unrhyw faterion o bwys **wedi'u hepgor** o'r Bil neu a oes unrhyw elfennau rydych yn credu y dylid eu cryfhau?
5. A ydych yn credu y bydd unrhyw ganlyniadau anfwriadol yn deillio o'r Bil?

Darpariaethau yn y Bil

Hoffai'r Pwyllgor gael eich sylwadau ar ddarpariaethau yn y Bil, ac i ba raddau y byddant yn cyflawni'r dibenion a nodir. Er enghraifft:

6. Beth yw eich barn am y darpariaethau yn rhan 1 o'r Bil ar gyfer **rheoleiddio gwasanaethau gofal cymdeithasol**?
Er enghraifft, mabwysiadu model rheoleiddio sy'n seiliedig ar wasanaethau, ymgysylltu â'r cyhoedd, a phwerau i gyflwyno system sgorio fel rhan o'r drefn arolygu ac i godi ffioedd.
7. Beth yw eich barn am y darpariaethau yn rhan 1 o'r Bil ar gyfer **rheoleiddio gwasanaethau cymdeithasol awdurdod lleol**?
Er enghraifft, ystyried y canlyniadau a gaiff defnyddwyr gwasanaethau wrth adolygu perfformiad gwasanaethau cymdeithasol, cynyddu cyfranogiad y cyhoedd, a gosod dyletswydd newydd ar wasanaethau gofal cymdeithasol i baratoi adroddiadau ar y farchnad leol.

8. Beth yw eich barn ynghylch y darpariaethau yn rhan 1 o'r Bil ar gyfer datblygu system i **oruchwyllo'r farchnad yn y sector gofal cymdeithasol?**

Er enghraifft, asesu cynaliadwyedd ariannol a chorfforaethol darparwyr gwasanaethau a pharatoi adroddiad ar sefydlogrwydd y farchnad yn genedlaethol.

9. Beth yw eich barn ynghylch y darpariaethau yn rhan 3 o'r Bil i newid enw a chyfansoddiad **Cyngor Gofal Cymru** gan roi'r enw Gofal Cymdeithasol Cymru arno ac ehangu ei gylch gwaith?

10. Beth yw eich barn ynglŷn â'r darpariaethau yn rhannau 4–8 o'r Bil ar gyfer **rheoleiddio'r gweithlu?**

Er enghraifft, y cynigion i beidio ag ehangu'r broses gofrestru i gynnwys categorïau newydd o staff, i gael gwared ar gofrestru gwirfoddol ac i gyflwyno gorchmynion gwahardd.

11. Beth yw eich barn ar y darpariaethau yn rhan 9 o'r Bil i **gyrff rheoleiddio gydweithredu a chydweithio ?**

Pwerau dirprwyedig

Mae'r Bil yn cynnwys pwerau i Weinidogion Cymru wneud rheoliadau a chyhoeddi canllawiau, ac i Ofal Cymdeithasol Cymru wneud Rheolau.

12. Yn eich barn chi, a yw'r Bil yn cynnig cydbwysedd rhesymol rhwng yr hyn sydd wedi'i gynnwys ar **wyneb y Bil** a'r hyn y bydd **is-ddeddfwriaeth a chanllawiau'n ymdrin â nhw?**

Goblygiadau ariannol

13. Beth yn eich barn chi am **oblygiadau ariannol** y Bil fel y'u nodir yn rhannau 6 a 7 o'r Memorandwm Esboniadol?

Sylwadau eraill

14. A oes unrhyw **sylwadau eraill** yr hoffech eu cynnig ynglŷn ag adrannau penodol o'r Bil?